

Servizo de Enerxía e Minas da Xefatura Territorial de A Coruña.
Vicepresidencia Segunda e Consellería de Economía, Empresa e Innovación

Expediente: IN408A 2020/93
Denominación do proxecto: PARQUE EÓLICO AS ENCROBAS
Promotor: Naturgy Renovables, SLU
Asunto: Solicitud de informe técnico.

ANTECEDENTES

O 11.11.2021 solicitouse mediante o rexistro electrónico da Xunta de Galicia á Dirección Xeral de Defensa do Monte da Consellería do Medio Rural desde o Servizo de Enerxía e Minas da Xefatura Territorial de A Coruña, da Vicepresidencia Segunda e Consellería de Economía, Empresa e Innovación un informe sobre o proxecto "PARQUE EÓLICO AS ENCROBAS" situado nos concellos de Cerceda, Carral e Outes, na provincia de A Coruña.

O 12.11.2021 solicitouse mediante o rexistro electrónico da Xunta de Galicia ó Servizo de Prevención de Incendios Forestais da provincia de A Coruña un informe para poder dar contestación ao Servizo de Enerxía e Minas da Xefatura Territorial da Vicepresidencia Segunda e Consellería de Economía, Empresa e Innovación.

O 23.11.2021 recibíuse no o rexistro electrónico da Xunta de Galicia o informe remitido polo xefe do Servizo de Prevención de Incendios Forestais da Xefatura Territorial da Consellería do Medio Rural de A Coruña, no que informa favorablemente sobre o "PARQUE EÓLICO AS ENCROBAS", e condicionado ao cumprimento das prescricións do Estudo de Impacto Ambiental e ao mantemento do establecido para as redes primarias de faixas de xestión de biomasa na lexislación vixente .

CONSIDERACIÓNS LEGAIS E TÉCNICAS

No informe recibido do xefe do Servizo de Prevención de Incendios Forestais de A Coruña se expón o seguinte:

"1. Existe un punto de auga de carga de vehículos motobomba (código 15021-004), no concello de Carral con coordenadas UTM x549793 e y4783713, a 6 m. dunha liña eléctrica subterránea proxectada que pode afectar a captación de auga do mesmo.

DIRECCIÓN XERAL DE DEFENSA DO MONTE
CONSELLERÍA DO MEDIO RURAL
San Lázaro, s/n
15781 Santiago de Compostela
T. + 34 881 996 391
defensadomonte.mediorural@xunta.gal
mediorural.xunta.gal





Existe outro punto de auga de carga de vehículos motobomba (código 15021-001) no concello de Carral, con coordenadas UTM x550140 e y4785021 a 8 m. dunha vía de acceso ao parque eólico a acondicionar.

2. A poligonal das infraestruturas proxectadas, inclúe dentro do seu perímetro as superficies afectadas polos incendios forestais con número de parametrizado (ver plano adxunto): 2006151951, 2013150204, 2011151077, 2018150235, 2011151108, 2018150382, 2012150680, 2018150386, 2013150203, 2020150346."

Existe risco de atopar as conducións eléctricas soterradas se non están debidamente sinalizadas xa que o seu trazado podería coincidir coas infraestruturas forestais e de prevención de incendios forestais (devasas e pistas) producíndose un impedimento durante as labores execución e de mantemento de ditas infraestruturas.

O distrito alerta do risco de topar coa liña soterrada, se esta non estivera ben sinalizada, durante as labores de mantemento de ditas infraestruturas

A Lei 3/2007, de 9 de abril, de prevención e defensa contra os incendios forestais de Galicia establece no seu artigo 20 bis - Redes primarias de faixas de xestión de biomasa, apartado c), as seguintes obrigas de xestión de biomasa:

"c) Nas instalacións de produción de enerxía eléctrica eólica deberá xestionarse a biomasa na superficie afectada de pleno dominio e voo, de acordo co establecido no Plan sectorial eólico de Galicia, ao redor de cada aerogenerador de produción de enerxía eléctrica eólica instalado.

Así mesmo, nos camiños interiores das ditas instalacións a xestión da biomasa vexetal, no estrato arbustivo e subarbustivo, farase nos 5 metros desde a aresta exterior do camiño. Neste último suposto, non se exixirá a retirada de árbores das especies sinaladas na disposición adicional terceira.

.....
Para todas as instalacións indicadas nesta letra, a xestión da biomasa incluírá a retirada desta por parte da persoa que resulte responsable consonte o artigo 21 ter. "
A Lei 7/2012, do 28 de xuño, de montes de Galicia no seu artigo 59. Cambio de uso forestal establece que:

"1. O cambio de uso forestal dun monte, cando non viñese motivado por razóns de interese xeral, e sen prexuízo do disposto no artigo 28.2 da presente lei e da normativa ambiental aplicable, terá carácter excepcional, requirindo informe favorable do órgano forestal e, no seu caso, do titular do monte.





2. A Administración forestal competente poderá regular un procedemento máis simplificado para a autorización do cambio de uso naquelas plantacións forestais temporais para as cales se solicitase unha reversión a usos anteriores non forestais.

3. En terreos afectados por incendios forestais, non poderá producirse un cambio de uso en trinta anos. Con carácter singular, poderán acordarse excepcións sempre que, con anterioridade ao incendio forestal, o cambio de uso estivese contemplado:

a) Nun instrumento de plan previamente aprobado.

b) Nun instrumento de plan pendente de aprobación se xa foi obxecto de avaliación ambiental favorable ou, de non ser esta esixible, se xa foi sometido ao trámite de información pública

c) Nunha directriz de política agroforestal que contemple o uso de pastos ou agrícola extensivo en montes incultos ou en estado de abandono que non estivesen arborizados con especies autóctonas.”

INFORME

En base ó anterior e tendo en conta os condicionantes recollidos nas consideracións legais e técnicas infórmase FAVORABLEMENTE a realización do PARQUE EÓLICO AS ENCROBAS” situado nos concellos de Cerceda, Carral e Outes, na provincia de A Coruña.

Santiago de Compostela, na data da sinatura electrónica

O Director xeral de Defensa do Monte
Manuel Rodríguez Vázquez



